


東華錄


三



漢書門類
八八八
八八八
八八八
三二九
冊架函號類

內閣文庫
漢
八八八
三二九
冊架函號

內閣文庫
番號 漢 8881
冊數 32 (3)
函號 286 97






東華錄卷之三

天聰七年正月

諭各牛录額真曰田疇廬舍民生攸賴勸農講武國之大
經民間樹蕪一一嚴飭徭役勿累貧民再督率所屬三時
習射此係我國制勝之技可不努力學習耶

三月遣貝勒濟爾哈朗築岫岩城貝勒阿巴泰築攬盤城
貝勒阿濟格築通遠堡城貝勒杜度築蘇場城分兵駐守
五月明將孔有德耿仲明航海來歸孔耿皆遼東人有德



夏書錄 卷三
為毛文龍部下末弁遂以毛氏稱之文龍為袁崇煥所殺
明登州巡撫調有德為步兵左營叅將仲明亦為叅將我
師圍大凌河登撫調有德率騎兵八百應援至吳橋縣遇
叅將李九成遂同叛率其黨陳繼功李尙友曹得功等五
十餘人招烏合數千攻陷山東臨邑凌商河青城等縣遂
圍登州城城中耿仲明與其黨杜成功曹得純吳進興等
十五人為內應城遂陷逐其巡撫時旅順叅將陳有時廣
鹿島叅將毛承祿亦殺守吏叛至登州有德自稱都元帥
九成為副元帥仲明為總兵官攻取各城堡山東擾亂明

總兵祖大弼率兵數萬圍登州九成戰死有德不能支乃
突圍由海道來奔為旅順總兵黃龍所邀殺其副將李應
元田良祚朝鮮復助明邀擊會我貝勒濟爾哈朗阿濟格
杜度勒兵迎於江岸明兵及朝鮮兵退有德等部衆家口
不遺一物 特諭令安插東京賚馬百匹 六月癸酉封
孔有德為都元帥耿仲明為總兵官 七月貝勒岳託德
格類及孔有德等攻克明旅順口俘獲人口五千三百餘
牛馬等數百金二千二百兩銀二萬一千二百兩緞疋三
千有奇衣二千七百有奇布二萬四千餘匹人參八箱他

物稱是 八月壬戌遣貝勒阿巴泰等統兵二千略明山海關一路俘人畜四千二百有奇 十月明廣鹿島副將尙可喜輸款于我

天聰八年正月朔旦御殿命孔有德耿仲明與和碩貝勒等同列於第一班行禮

乙巳

上御中殿命阿爾薩蘭與土謝圖濟農巴達禮孔薩克圖杜稜布塔齊噶爾珠寨特爾三貝勒下選拔力士六人較力阿爾薩蘭一一高舉之人稱奇勇 遣官營造孔有德

耿仲明第宅二人固辭不允 尙可喜招撫長山石城二

島携人民數千戶來歸 二月命阿山等率管護軍大臣

熬拜等畧錦州三月戊子還辛卯命譚泰圖尔格畧錦州

命孔有德耿仲明之纛以白廂皂尙可喜之纛于皂旂

中用白圓心爲飾 四月以瀋陽爲天眷盛京赫圖阿喇

城爲天眷興京 授尙可喜總兵官遣歸海州 辛巳初

命禮部考取通滿洲蒙古漢書文義者爲舉人十六名各

賜衣一襲免四丁宴於禮部 此設科取士之始 五月分辨步騎

守哨等兵名色以隨固山額真行營馬兵爲騎兵步兵爲

步兵護軍哨兵爲前鋒駐守盛京砲兵爲守兵閒駐兵爲
援兵外城守兵爲守邊兵舊蒙古右營爲右翼兵左營爲
左翼兵舊漢兵爲漢軍孔有德爲天祐兵尙可喜爲天助
兵 征東海虎爾哈部季思哈吳巴海遣人奏捷俘獲男
婦馬牛皮張各有差 七月

上親率大軍由宣府畧朔州一帶定議四路兵俱于七月
初八日入邊 八月命諸貝勒率兵畧山西代州朔州等
路 甲子攻克應州之石家村堡 甲戌
上闕大同城 壬午大軍至懷遠 癸未大軍至左衛城

南駐營 閏八月甲申大軍駐城東 丙戌大軍駐左衛
河北 丁亥攻萬全左衛城克之 庚寅班師

十二月命梅勒章京霸奇爾甲喇章京薩木什喀率兵征
黑龍江 分定專管牛象 遣吳巴海荆古尔代率兵征
瓦爾喀

天聰九年二月以和碩木尔根戴青貝勒多尔袞貝勒岳
託薩哈廉豪格爲統兵元帥固山額真納穆泰爲右翼吏
部承政圖尔格爲左翼率護軍及精兵萬人往收察哈尔
林丹汗之子額尔克孔果尔額哲上年察哈尔乱丹汗已

死其屬來歸者紛紛故有是舉 四月霸奇蘭等捷音至收撫壯丁二千四百八十三人口七千三百有二俘婦女幼稚一百十六牲畜他物稱是 吳巴海等捷奏至收撫壯丁五百六十婦女五百口幼稚九十又俘婦女六十六牲畜他物稱是 五月命和碩額爾克楚虎爾貝勒多環等率兵入寧錦界明兵禦我大凌河奔潰追斬其副將劉應遷生擒遊擊曹得功殲其兵五百人距錦州松山城五里收軍還 多爾袞等奏大軍至西喇朱爾格過察哈爾汗妻囊囊太后瑣諾本台吉率一千五百戶降隨渡黃河

抵額哲所駐扎里圖其國無備額哲及其母蘇泰太后率眾寨桑並部民一千戶歸降 是歲東方之國兩次來歸察哈爾舉國內附各處蒙古俱歸降惟明國僅存然國事日非亡不久矣 八月多爾袞等凱旋獲歷代傳國玉璽相傳茲璽元順帝携逃沙漠後遂遺失越二百餘年牧羊者見羊三日不食以蹄刨地掘得之後歸林丹汗今得於蘇泰太后所其文漢篆制誥之寶四字璠璣爲盾蛟龍爲紐光氣煥爛洵至寶也 多爾袞等三貝勒率兵並察哈爾汗子額爾克孔果爾額哲及其大臣畧明山西一帶自

平魯衛入朔州抵長城經寧武關代州忻州惇縣黑峯口
應州而復還平魯斬明兵六千餘人俘人畜七萬六千二
百有奇乃出邊凱旋 設蒙古都統八旗各一下設副都
統叅領各二

崇德元年正月詔

太祖庶母子稱阿哥

六祖子孫俱稱覺羅命繫紅帶以別之如人相詆不得詈
及祖父違者擬死

二月定諸臣冠飾各賜金頂以示別因賜超品公額駙楊

古剎宗室篇古嵌東珠金頂滿洲蒙古漢軍固山額真承
政等以寶石金頂 三月改文館爲內三院一內國史院
一內秘書院一內宏文院

諭諸臣曰喇嘛等以供佛持戒爲名潛肆奸貪直妄人耳
蒙古諸人深信其懺悔超生等語致有懸轉輪結布幡之
事嗣後俱宜禁止 四月羣臣上尊號曰

寬溫仁聖皇帝改天聰十年爲崇德元年定有天下之號

曰清追尊

始祖曰澤王

高祖曰慶王

曾祖曰昌王

祖曰福王

皇考尊諡曰

承天廣運聖德神功肇紀立極仁孝武皇帝廟號

太祖陵曰

福陵

皇妣尊諡曰

孝慈昭憲純德貞順成天育聖武皇后

封諸貝勒為親王郡王有差 五月

上命武英郡王等率師征明 七月武英郡王等會師出

延慶州俘人畜一萬五千有奇 九月武英郡王阿濟格

等奏我兵入長安過保定至安州克十二城五十六戰皆

捷生擒總兵巢丕昌等獲人畜十八萬有奇 十二月親

征朝鮮前鋒至王京李侗遁南漢山城我軍圍之 巳亥

上率大軍由城外徑渡漢江抵南漢城西朝鮮兵屢來援

皆敗之

崇德二年正月以書諭朝鮮國王是日李侗稱臣上書謝

東華錄 卷三
罪 取江華島獲朝鮮王妃一閣臣侍郎各一人並財物
及羣臣家口 二月壬申班師李侖出王京城跪送諭曰
尔人民家口已盡付還矣命送還王京 四月武英郡王
阿濟格攻克皮島斬守將沈世奎 命固山貝子尼堪羅
託博洛等與議國政每旂各設議政大臣三員六月甲寅
上夜夢至興京謁

太祖見

太祖騎而馳禮親王代善挽之不及旣而恍入明宮中見
一人以絲縑綵飾珊瑚授之以爲明萬歷帝欲無受諦視

乃金代神像出一編授曰此金國史也及覺召內院儒臣
告之對曰昔

上夢入朝鮮宮果得朝鮮今夢入明宮授以前史蓋天之
歷數在

皇上矣 先是遣章京尼堪等征瓦爾喀至是降之 十
一月命葉克書星納等征掛尔察 是年分漢軍爲左右
翼旂色皆用元青石廷柱爲左翼都統馬光遠爲右翼都
統四年分漢軍爲廂黃廂白廂紅正藍四旂七年分八旂
八旂次序廂黃正黃正白爲上三旂正紅廂白廂紅正

藍廂藍爲下五旂

八旂方位廂黃正白廂白正藍爲左翼正黃正紅廂紅廂藍爲右翼

崇德三年五親征喀爾喀旋師

七月更定六部理藩院都察院八衙門官制每衙門設滿洲承政一員以下設左右叅政理事副理事主事等官共五等

諭禮部有效他國衣冠束髮裹足者重治其罪 八月先是禮部承政甲喇章京祝世昌條奏俘獲敵人妻女不可

令其爲娼妓一疏奉

旨切責至是會訊以世昌身在本朝心在明國護庇漢人與奸細無異應論死

命免之以啟心耶孫應時代爲改正依議正法 賜中式舉人羅碩等十名各朝衣一領授半個牛象章京品級各免人丁四名一等二等三等生員各賜紬布授護軍校品級免一丁二丁有差 九月

命睿親王多爾袞爲奉命大將軍貝勒豪格阿巴泰副之統左翼貝勒岳託爲揚武大將軍貝勒杜度副之統右翼

東華錄 卷三
兩路征明 岳託等從密雲東北牆子嶺口毀牆分四路
入遇明總督吳阿衡兵六千敗之又連敗其副將守備援
兵我兵所入之閔漢名牆子嶺蒙古名達吉布拉牆子嶺
西一閔漢名黑峪閔蒙古名黑呼龍又一閔漢名曹家寨
蒙古名海龍又一閔漢名古北口蒙古名莫尔托石牆子
嶺東一閔漢名將軍石蒙古名烏什根又一閔漢名黃岩
口蒙古名章又一閔漢名馬蘭峪蒙古馬賴 多尔袞等
自董家口東青關山西由邊牆缺處毀牆入
上以明人聞我二路進兵則山海關以東寧遠錦州兵必

往西援欲牽制其援兵十月命鄭親王濟爾哈朗貝子碩
託各率本旗護軍及喀喇沁兵從前屯衛寧遠中間進發
豫親王多鐸貝子博洛亦率護軍及土默特兵從寧遠錦
州中間進發

上親率大軍從義州一路進發 是月多鐸等聞桑噶爾
寨舊居之堡無備攻克之戮其守備及男子獲婦女幼丁
及牲畜 恭順王孔有德懷順王耿仲明智順王尚可喜
以神威將軍砲攻戚家堡石家堡克之俘其人口牧畜
十一月豫親王多鐸兵過中後所會明總兵祖大壽率兵

往援燕京路遇遂來襲我兵陣沒者九人失馬三十匹
大軍進發山海關

上親統大軍至中後所祖大壽見我軍至退入城內

上賜之勅不報 鄭親王濟爾哈朗克摸龍關又攻克五
里堡屯台獲人畜又縱掠獲人口二百餘馬牛等共數百
庚午大軍至中後所班師

崇德四年正月封新附總兵官沈志祥爲續順公 二月
乙未遣漢軍固山額真昂邦章京石廷柱馬光遠率兩旂
兵運紅衣砲西征明國 丁酉命武英郡王阿濟格率將

壬寅

上親統大軍征明壬子

上登松山南岡相度城垣形勢指示孔有德耿仲明尚可
喜石廷柱馬光遠命各依汛地用紅衣砲攻擊明日孔有
德等各移砲前進城堞盡毀明副將金國鳳等死守會日
暮召諸將還是夜城中於攻毀處以繩繫木覆之以土比
明城已築固諸將進攻不能入我軍陣亡二十人乃命勿
攻命阿濟格等率四旂護軍環守塔山連山 三月戊午
朔明太監高起潛總兵祖大壽自寧遠遣兵九百船十隻

東華錄 卷三
由水路援杏山我兵擊之獲船一殺五十人 命三順王
及石廷柱馬光遠等於松山城南穿地道丙寅證明睿親
王多尔袞貝勒杜度遣官奏報左翼多尔袞疏曰臣等毀
明邊關而入兩翼兵約會於通州河西由北邊過燕京自
涿州分兵八道一沿山下一沿運河於山河中間縱兵前
進燕京迤西千里內六府俱已蹂躪至山西界而還復至
臨清州渡運糧河攻破山東濟南府至京南天津衛克城
三十四降城六敗敵陣十七俘人口二十五萬七千八百
八十將士無一傷者右翼杜度疏曰臣等從明燕京西至

山西界南至山東濟南府蹂躪其地克城十九降城二敗
敵陣十六殺其總督二及守備以上官百餘員生擒郡王
親王奉國將軍各一俘人口二十萬四千四百二十三金
四千三百三十九兩銀九十六萬七千四百六兩 兩翼
俱從遷安縣回經太平寨出青山關 四月凱旋 阿尔
薩蘭於錦州烏欣敗明援兵擒副將楊震
上親率四旂護軍馳往錦州縱兵攻其山寨敗之沿山搜
勦兩夜斬副將徐永昌生擒副將祖克勇 我兵三路穴
地攻松山城不能克罷之 遣騎兵往助阿濟格守塔山

東華錄 卷三
辛丑

車駕自松山還錦州西北駐營阿濟格畧連山獲人馬千計

五月命鄭親王濟尔哈朗等畧明松山錦州香山等處辛酉

上班師濟尔哈朗奏報自入明邊境敗敵九次俘獲人口二千三百二十

九月遣武英郡王阿濟格貝勒阿巴泰杜度等率兵畧錦州寧遠十月遣肅親王豪格貝勒多鐸等畧錦州寧遠

十一月豪格報寧遠兵出北山岡擊敗之斬總兵金國鳳及其二子遣率海薩穆什喀等往征索倫虎尔哈部落

崇德五年正月遣翁阿岱多濟里等率將士戍防錦州

二月遣願翁科羅巴圖魯勞薩率將士往廣寧捉生三

月命鄭親王濟尔哈朗貝勒多鐸率兵修義州城駐劄屯

田令山海關外寧錦地方不得耕種四月往征索倫虎

尔哈部落率海薩穆什喀奏報俘獲男子三千一百五十

四婦女二千七百一十三幼小一千八十九他物稱是

五月濟爾哈朗等至杏山迎降人蒙古蘇班代 明總兵
祖大壽吳三桂劉智周遊擊戴明等共兵七千來逼我軍
縱擊大敗之擒副將楊倫周延州叅將李得位 壬寅
上率八旂護軍騎兵向錦州進發 己巳至錦州攻降城
北瞭馬山臺盡刈錦州城東禾稼 六月命睿親王多爾
袞肅親王豪格貝勒杜度阿巴泰等往代濟爾哈郎等於
義州城集屯田 六月諭多爾袞等將兩翼兵暫往分駐
一斷敵往來之路一投誠人可乘便而來一我兵易于收
獲弗爲敵乘間竊刈其已收糧草擇堅固兩處存貯 多

爾袞奏七月初八日夜明錦州兵五百來襲我廂監旂貝
子羅託公吞齊等擊敗之 遣前鋒統領吳拜率前鋒兵
一半往助睿親王軍並傳諭睿親王肅親王前次擊敵殊
爲失策敵來但固守營壘候相近乃可擊前此迎戰非計
也

丙午遣席特庫濟席哈等率兵並徵外藩兵東征索倫部
落 睿親王等奏錦州馬兵一千出城我軍擊敗之獲馬
百餘又伏兵寧遠路獲明閩內所運米千石及騾馬等殺
押卒三百九十 八月命叅領希福等往張家口交易

九月命鄭親王濟爾哈朗武英郡王阿濟格郡王阿達禮
貝勒多鐸羅洛宏等率將士一半往代睿親王等圍錦州
松山 初九日睿親王等悉衆出誘敵于杏山城北山顛
間松山騎兵出馳擊敗之及還敵復來襲又擊敗之掩殺
至松山城下及還松山兵又出亦敗之 多鐸率兵夜往
錦州西桑噶爾寨堡設伏敗兵至伏兵追之至塔山又聞
敵夜于杏山間道運糧遣兵往畧擒斬百人獲牛驢百三
十 十一月命睿親王多爾袞肅親王豪格貝勒杜度阿
巴泰率將士之半往代鄭親王等圍困錦州 十二月出

征索倫部落席特庫等奏報于齊落台地方擒獲博穆博
果尔及其妻子家屬男婦幼稚九百五十六馬牛八百四
十四

崇德六年二月先是命戶部察滿洲蒙古十六旗下牛彖
各以人口牲畜註冊分別貧富具奏至是部覆將貧窮牛
彖之該管章京等解任諭曰牛彖下貧乏皆由章京及撥
什庫等耽嗜飲酒荒墮職業之故又諭王貝勒大臣曰尔
等何不親率人習射耶子弟壯者當令以角弓羽箭幼者
以木弓柳箭我國武功首重習射不習射之罪非用烟可

比用烟之禁前因尔等私用故不能治人至於射菽切不可荒廢嗣後嚴加督率爲是 多尔袞等奏報臣等圍困廣寧山城時擊敗錦州松山援兵四百餘斬二百餘級固山額真阿山襲取山城之小者俘獲男婦六十餘索海雍舜及安平貝勒屬下兵共擊斬錦州兵一百七十餘人三月蒙古巴圖魯等率男婦九百餘毀大同陽和邊牆報名來降 睿親王多尔袞會私遣甲兵還家又移軍過國王碑離錦州三十里駐營

上聞大怒曰原令由遠漸近圍逼錦州所以困之今離城遠駐敵必多運糧草人城何時能得錦州耶因降旨切責至是發兵命鄭親王濟尔哈朗更換多尔袞等還至遼河命出征諸王貝勒貝子公固山額真梅勒章京護軍統領及議政大臣等官俱駐于舍利塔旁不許入城遣大臣訊狀凡倡言遣五人還家者卽指名舉出尔等應得何罪自行定擬具奏睿親王肅親王及二貝勒等皆自引罪上益怒降睿肅二親王爲郡王罰銀阿巴泰以下各罰銀有差始許入城 命朝鮮總兵柳琳等率兵往助鄭親王軍 鄭親王濟尔哈朗武英郡王阿濟格郡王阿達禮貝

東華錄 卷三
勒多鐸等圍困明錦州每面立八營營深壕沿壕築堞口
兩旂之間復浚長壕近城設邏卒哨探城中蒙古呼曰尔
等圍困何益城中積粟可支二三年縱圍之豈可得耶邏
卒應曰無論二三年縱有四年糧至五年後復何所食于
是城中蒙古貝勒諾木齊吳巴什渾錦等知我志在必得
謀來降遣人持書縋城約二遣七夜進兵二十四日祖大
壽聞欲擒之吳巴什等率閔內蒙古兵與戰我軍聞之至
城下策應蒙古縋繩我軍援繩齊上明兵敗入城內我軍
據其外城降蒙古官屬八十六員男婦六千二百餘名口

捷音至

上大悅命八門擊鼓召衆於篤恭殿演捷 四月明援兵
自杏山至松山濟尔哈朗阿達禮羅洛宏等伏兵于錦州
南山西岡阿濟格多鐸等伏兵于松山北嶺令前鋒兵誘
敵伏發大敗之斬百七十餘級獲馬百六十四匹甲七十六
副 遣孔有德尙可喜各率本部將士赴錦州助鄭親王
軍 六月命多尔袞豪格率將士之半往代鄭親王等圍
錦州 從內三院大學士范文程等奏于滿漢蒙古內考
取生員舉人 明閔內援兵由松山城沿海前進我左翼

東華金 卷三
兵追及敗之于松山城壕獲馬五十餘匹 庚午睿郡王
等奏報明闕內援兵由松山來我兵追擊五里獲馬五百
七十匹 七月命耿仲明孔有德尚可喜下梅勒章京連
德成曹德選吳進功等率將士助圍錦州軍 漢軍固山
額真石廷柱言我寧圍困錦州度明必與我併力一戰此
時現在圍城者不必更換仍將更換之兵挑選精壯秣馬
以待一旦有警我軍縱橫馳擊大創一番敵寒心喪胆錦
州從此失時不能固守矣錦州破則闕外八城震安知非
當年瀋陽得而遼陽隨破沙嶺捷而廣寧隨順之一大机

會哉 八月

上聞明洪承疇等率兵十三萬來援錦州卽傳檄各部軍
馬星集京師於十五日起行命鄭親王留守戊午渡遼河
壬戌至松山陳師於松山杏山之間自烏欣河南山至海
橫截大路駐營謂諸臣曰但恐敵聞朕親至將潛逃耳如
不逃朕必令尔等破此敵如縱犬逐兔易如拾取不知勞
苦也是時明兵如松山城北乱峯山岡結營合騎步兵號
十三萬其領兵總督洪承疇巡撫邱民仰兵備道張斗姚
恭王之楨兵部郎中張若騏總兵王樸李輔明唐通白廣

東華錄 卷三
恩曹變蛟馬科王庭臣吳三桂及副叅遊守二百餘員見
上親率大軍大懼合謀退遁 八月癸亥明總兵入員率
兵犯我前鋒地我軍擊敗之追至塔山獲其筆架山積粟
十三堆是日浚壕斷絕松山杏山路是夜明諸將皆欲遁
撤其七營步兵迎松山城而營

甲子敵犯廂紅旂汎地擊卻之

上諭諸將曰今夜敵必遁命兩翼八旂護軍及騎兵蒙古
兵前鋒兵比翼排列直抵海边敵遁百兵則以百人追之
千兵則以千人追之敵眾則躡後追擊直抵塔山是夜初

更明總兵王樸唐通馬科吳三桂白廣恩李輔明等率馬
步兵沿海潛遁我軍相繼追擊

上又命蒙古固山額真庫魯克連爾漢阿賴等各率所部
伏杏山路遮擊遁入杏山敵兵又命睿郡王等率四旂護
軍往錦州大路至塔山大路橫擊之又命將往筆架山防
護糧糗又命鎮國將軍巴布海等各率所部往塔山截其
路有奔至悉戮之又命武英郡王率兵亦截塔山路倘敵
欲越塔山當率巴布濟等自寧遠直抵連山追擊又命固
山貝子博洛率兵往噶爾寨堡截擊又聞明郎中張若騏

東華錄 卷三
從小凌河乘舟遁命梅勒章京賴護等率兵追之又命固
山額真譚泰率兵往小凌河西絕其歸路又命梅勒章京
多濟里追擊敗兵又命固山額真伊拜等於杏山四面截
擊敵之奔入西山者又命固山額真恩格圖等追擊逃兵
悉如睿算明兵竄走弼山遍野自杏山迤南沿海至塔山
一路赴海死者不可勝計 乙丑命固山額真劉之源携
紅衣砲同睿郡王武英郡王攻克四台擒其副將王希賢
叅將崔定國都司楊重鎮等總兵吳三桂王樸奔人杏山
上移營松山其夜曹变蛟率乳峯山馬步兵棄寨遁欲衝

圍去其兵一半突入御營時大臣侍衛俱未至軍中大驚
侍衛巴里坤獨守營門拒敵变蛟中鎗奔還松山 丁卯
命宗室錫翰國戚多尔濟等率兵伏于高橋大路及桑噶
尔寨堡以杏山逃兵必由此路果有千人自杏山出伏兵
敗之追至塔山斬獲甚多是晚命貝勒羅洛宏貝子博洛
內大臣圖尔格等率精兵隨多鐸設伏杏山西台 己巳
吳三桂王樸等從杏山出奔寧遠我兵截大路追擊三桂
等奔至高橋多鐸等伏兵縱擊三桂王樸僅以身免多鐸
等各還營 壬申命內大臣超品公塔瞻伊尔等率每族

精兵五十名設伏高橋方出營遇明兵千人追斬之至高橋遇明兵六百八十盡殲之是役也破明兵十三萬如摧朽拉枯計斬級五萬三千七百八十三獲馬七千四百四十四駝六十六甲冑九千三百四十六副明兵自杏山南至塔山赴海死者甚眾所棄馬匹甲冑以數萬計海中浮屍多于雁鶩其被我圍于松山者總督洪承疇巡撫邱民仰兵備道張斗姚恭王之禎通判袁國棟朱廷榭同知張爲民嚴繼賢總兵王廷臣曹變蛟祖太樂等士卒不過萬餘城內糧且絕勢益窮感我軍復掘大壕以困之總兵

吳三桂王樸白廣恩馬科李輔明唐通兵部郎中張若騏等各路潰竄


壬申前鋒叅領努山等自明董家口喜峯口偵探回奏擊敗明步哨五十一營斬百四十五人騎哨十一人擒守備一人

九月乙酉命貝勒杜度阿巴泰固山額真譚泰阿山葉克書準塔巴圖魯何洛會馬喇希巴特馬等圍守錦州貝勒多鐸郡王阿達禮貝勒羅洛宏固山額真宗室拜尹圖公艾度禮額駙英俄尔岱庫魯克達爾漢阿賴恩格圖伊拜

東事錄 卷三 三
等圍守松山武英郡王阿濟格外藩科尔沁國卓禮克圖
親王吳克喜巴圖魯郡王滿珠習禮等圍守杏山高橋
乙未遣學士額爾黑往諭鄭親王濟爾哈朗武英郡王阿
濟格阿達禮貝勒多鐸等曰錦州松山所掘壕塹可周圍
巡視其城外薪草卽令我兵割取 丙申一鼓松山城內
外馬步全出犯我廂黃旂汛地我兵擊敗之斬百七十餘
級獲其兵器 十一月甲辰命鎮國將軍阿拜率兵往錦
州南乳峯山駐防 乙巳命孔有德尙可喜率本部兵駐
防錦州 十二月甲寅濟爾哈朗奏報洪承疇以兵千人

夜犯我營我軍擊敗之斬四百餘人敵退松山城門已閉
不得入兩日之內收服二千餘人其從杏山宵遁者爲我
伏兵所殺凡五百七十四人敗兵退城下因門閉不得入
投降者二千餘人關內赴援兵竟駐寧遠終不進承疇欲
戰則力不支欲守則糧已竭欲遁又未敢成隊而出與巡
撫邱民仰兵備道張斗姚恭王之楨同知張爲民嚴繼賢
通判袁國棟朱庭榭總兵王廷臣曹变蛟祖大樂遊擊祖
大名祖大成及千把總等官百餘員士卒數千人坐困城
中

上以勅諭洪承疇及所屬將士 丙寅命祖澤洪赴錦州
索取妻子并說其父大壽來歸澤洪至錦州未得交語而
還



東華錄卷之三終

